

Razmatran napredak u ispunjavanju uslova za ulazak Bosne i Hercegovine u Vijeće Evrope

Visoki predstavnik Wolfgang Petritsch je juče, 11. novembra 1999. godine, predsjedavao razgovorima o molbi za prijem Bosne i Hercegovine u članstvo Vijeća Evrope i o napretku u ispunjavanju preduslova za prijem. Izvjestilac Komiteta za politička pitanja, gospodin Peter Bloetzer, i izvjestilac Komiteta za pravna pitanja i ljudska prava, gospođa Anneli Jaatteenmaki, su predstavljali Vijeće Evrope.

Predstavници ministarstava obrazovanja, pravde i unutrašnjih poslova iz Federacije i Republike Srpske su podnijeli svoje izvještaje o projektu uklanjanja spornog i uvredljivog materijala iz školskih udžbenika, o razvoju događaja u oblastima ljudskih prava i pravosuđa i o funkcionisanju državnih institucija. Takođe se razgovaralo o Nacrtu izbornog zakona i reformi policije.

Sastanku su prisustvovali i prvi zamjenik Visokog predstavnika Ralph Johnson, viši zamjenik Visokog predstavnika Matei Hoffmann, šef Misije OSCE-a u BiH Robert Barry i zamjenik Specijalnog izaslanika Generalnog sekretara, Julian Harston iz UNMIBH.

Početak ove godine Vijeće Evrope je predočilo spisak preduslova u vezi sa prijemom Bosne i Hercegovine u Vijeće Evrope. Nažalost, napredak koji je postignut u, npr. djelovanju državnih institucija i implementaciji evropskih standarda u obrazovanju i u ljudskim pravima, je nedovoljan. Izaslanici Vijeća Evrope su takođe pojedinačno naveli zakone koje državni i entiteski parlamenti moraju usvojiti,

uključujući zakone o izborima, graničnoj službi, udruženjima i zakladama, imigraciji i azilu, trezoru, reformi sudstva i državljanstvu. Da bi zadovoljili minimum zahtjeva koje Bosna i Hercegovina mora ispuniti da bi bila primljena u Vijeće Evrope, nadležni organi BiH trebaju barem dostaviti plan parlamentarnih aktivnosti u vezi sa ovim zakonima.

OHR će nastaviti sa svojim aktivnostima u cilju osiguranja prijema BiH u Vijeće Evrope čim to bude praktično moguće. Visoki predstavnik je čvrsto ubijeđen da je integracija u Evropu od ključnog značaja za prosperitetnu i stabilnu budućnost Bosne i Hercegovine. Izabrano rukovodstvo Bosne i Hercegovine snosi odgovornost za ispunjavanje standarda neophodnih za tu integraciju.